



Universiteit van Pretoria Jaarboek 2016

MSc Sportgeneeskunde (10253142)

Duur van studie 2 jaar

Kontak	Dr PC Zondi	phatho.zondi@up.ac.za
	Prof DC Janse van Rensburg	christa.jansevanrensburg@up.ac.za +27 (0)124206057

Programinligting

Die MSc-graad word ingevolge die bepalings van die Algemene Regulasies toegeken op grond van 'n eksamen, óf 'n eksamen en 'n verhandeling, óf 'n eksamen en 'n skripsie, óf 'n verhandeling.

Sien ook Algemene Regulasies.

Let wel:

Dit word vereis dat alle MSc-studente vir die module (TNM 800) Toegepaste navorsingsmetodologie 800 moet registreer en dit bevredigend bywoon. (Vrystelling kan verleen word indien die module reeds vir BSchons geslaag is.)

Die maksimum tydperk vir die voltooiing van 'n magistergraad is vier jaar. Behoudens die bepalings van die Algemene Regulasies kan die Voorsitter van die betrokke Skool op aanbeveling van die departementshoof, in buitengewone omstandighede 'n vasgestelde beperkte verlenging van die tydperk goedkeur.

Toelatingsvereistes

'n Voornemende student vir die MSc in Sportgeneeskunde moet vir minstens een jaar in besit wees van die MBChB-graad van hierdie Universiteit of 'n kwalifikasie wat deur die Universiteit as gelykwaardig hieraan beskou word. Daarbenewens moet die student by die Raad vir Gesondheidsberoep van Suid-Afrika as geneesheer geregistreer wees.

Eksamens en slaagvereistes

(aa) Die eksamen in die basiese vakke FSG 880, SAN 880 en DTE 880 vind aan die einde van die eerste semester plaas.

(bb) Die eksamen bestaan uit 'n twee-uur skriftelike vraestel sowel as 'n mondelinge eksamen in elke module met 'n vereiste subminimum van 40% in die skriftelike eksamen. Om 'n module te slaag, word 'n finale punt van minstens 50% vereis.

(cc) Indien 'n student in een van die basiese vakke druipt, kan sodanige student toegelaat word om die eksamen aan die einde van die tweede semester te herhaal.

(dd) Die eksamen (twee vraestelle van 3 uur elk, 'n mondeling en prakties) asook die skripsie, mag slegs afgelê



of ingedien word nadat die basiese vakke voltooi is.

Navorsing

Navorsingsprotokol

Dit word van 'n student vir die MSc-graad vereis dat 'n volledige navorsingsprotokol ten opsigte van die beoogde verhandeling ná registrasie aan die MSc-komitee van die Skool en indien nodig ook aan die Etiekkomitee voorgelê word vir goedkeuring.

Verhandeling

'n Verhandeling moet by Studenteadministrasie ingedien word minstens drie maande voor die betrokke promosieplegtigheid.

'n Handleiding oor die redaksionele versorging van verhandelings is op aanvraag by die departementshoof beskikbaar.

Slaag met lof

Die MSc in Sportgeneeskunde word met lof toegeken aan 'n student wat minstens 75% in (SGN 800) Sportgeneeskunde 800 behaal en die werkopdrag op onderskeidingsvlak voltooi.

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrouwd met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.